

C03,02725
IN408A 2020/006

**INFORME RELATIVO Á PARTE QUE AFECTA Á PROVINCIA DE OURENSE SOBRE O
ESTUDO DE IMPACTO AMBIENTAL DO PROXECTO "PARQUE EÓLICO ORBALLEIRA"**

Promotor: Sinagra Investments, S.L.

Situación: A Rúa (Ourense) e Quiroga (Lugo).

Con data de 01.04.2022 tivo entrada no Servizo de Montes de Ourense solicitude do Servizo da Propiedade Forestal a petición do Servizo de Enerxías Renovables e Eficiencia Enerxética da Dirección Xeral de Planificación Enerxética e Recursos Naturais, Vicepresidencia Segunda e Consellería de Economía, Empresa e Innovación da solicitude de informe sobre o estudo de impacto ambiental de acordo co disposto no apartado 12 do artigo 33 da Lei 8/2009, do 22 de decembro, pola que se regula o aproveitamento eólico en Galicia e se crean o canon eólico e o Fondo de Compensación Ambiental.

Os terreos situados no termo municipal da Rúa contan cun Plan Xeral de Ordenación Municipal do 25 de febreiro de 2016.

As características técnicas principais das instalacións de xeración, transformación e interconexión do parque eólico son as seguintes:

Cinco aeroxeradores modelo Siemens Gamesa SG 6.6-170 de 6,6 MW de potencia unitaria, altura de buxa 135 m y 170 m de diámetro de rotor.

Centro de interconexión e medida, Para facer totalmente autónomo e independente o Parque Eólico Orballeira, de tal maneira que poida funcionar de maneira independente e co seu propio sistema de medida en 30 kV

Rede colectora enterrada formada por varios circuítos principais que transportará a enerxía ata o centro de interconexión e medida. Desde aquí establecerase unha conexión coa SET Neboada, 220-30 kV.

Unha torre meteorolóxica de 135 m de altura.

Ademais dos accesos necesarios tanto de nova construción como reforma ou uso dos actuais.

Tras revisar a documentación achegada, comprobouse que o Parque Eólico Orballeira, na parte situada na provincia de Ourense, inclúe o monte veciñal en man común:





COTO REDONDO DE ROBLIDO dos veciños de ROBLIDO (A Rúa), monte xestionado pola Xunta de Galicia, convenio nº 3215534, estase tramitando a aprobación e inclusión no rexistro de montes ordenados de Galicia de un proxecto de ordenación co nº de expediente PO-00020118Q(1.1) para este monte.

Leva os cinco aeroxeradores, a torre meteorolóxica centro de interconexión e medida a gabia de condución eléctrica e resulta afectada a rede viaria.

Aféctanse tamén propiedades particulares na rede viaria.

Os cambios de clasificación do solo e os cambios de uso implican a revisión dos proxectos de ordenación.

Proposta de informe:

As superficies definitivas de afección virán determinadas polas áreas ocupadas directamente polos elementos de apoio, construcións complementarias e mais as superficies determinadas polas distancias de servidume establecidas na normativa que regula as obras de produción e transporte de enerxía eléctrica e ademais pola superficie necesaria para o cumprimento das distancias de plantación da Lei 7/2012, de montes de Galicia e máis da normativa de prevención de incendios relativa a redes de faixas de xestión de biomasa.

A construción de pistas forestais débese axustar ao artigo 98 da Lei de montes de Galicia. "Artigo 98. Pistas forestais.

1. Todo camiño de tránsito rodado de titularidade pública ou privada, fóra da rede de estradas, vinculado á xestión forestal e situado en solo rústico de protección forestal terá a consideración de pista forestal, e quedará adscrito á xestión agroforestal, e, en ningún caso, terá a consideración de acceso rodado público para os efectos previstos na lexislación urbanística.

2. A circulación con vehículos de motor por pistas forestais que non sexan de uso público ou situadas fóra da rede de estradas quedará limitada:

a) Ás servidumes de paso a que houber lugar, e non se poderá facer en actitude de condución deportiva.

b) Á xestión agroforestal, incluída a actividade cinexética e piscícola.

c) Aos labores de vixilancia e extinción das administracións públicas competentes.

Queda prohibida a circulación motorizada campo a través, por sendeiros, por devasas ou por vías de saca de madeira, agás para aqueles vehículos vinculados á xestión agroforestal, incluída a actividade cinexética e piscícola, á prevención e defensa contra incendios forestais, aos labores de vixilancia e tutela propios das administracións públicas e aos eventos e ás actividades que fosen autorizados pola Administración forestal consonte o artigo 88 desta lei.

3. Os titulares das pistas forestais, tras a autorización da Administración forestal, poderán regular o tránsito aberto motorizado polas pistas forestais que se atopen fóra da rede de estradas e non formen parte das servidumes de paso, mediante a súa sinalización, sen prexuízo do disposto na lexislación en materia de prevención e





defensa contra incendios forestais. O usuario será, en todos os casos, o responsable dos danos ou prexuízos que se poidan ocasionar, tanto a si mesmo como a terceiros, na súa utilización. Nos casos de realización de eventos e actividades culturais e deportivos alleos á propiedade que se desenvolvan mediante o tránsito motorizado polas ditas pistas, deberase contar coa autorización expresa por parte do titular, segundo o disposto no artigo 88 desta lei.

4. Toda obra de reforma, modificación, transformación ou renovación das pistas forestais principais non poderá alterar nin limitar o seu carácter prioritario agroforestal, agás autorización expresa da Administración forestal.

5. As características e as esixencias construtivas das pistas forestais principais, viradoiros e parques de madeira serán establecidas pola Administración forestal mediante orde da consellaría competente en materia de montes, e responderán á necesidade e á viabilidade dos requirimentos de amoreamento e transporte dos produtos forestais e do acceso aos montes da maquinaria forestal, minimizando o impacto sobre a paisaxe, os ecosistemas forestais de gran valor e a erosión e axustándose sempre que sexa posible á rede viaria existente.

6. Os sendeiros, as devasas e as vías de saca de madeira de carácter temporal non terán a consideración de pistas forestais.

7. A construción de pistas, camiños ou calquera outra infraestrutura permanente en montes ou terreos forestais, cando non estea prevista no correspondente instrumento de ordenación ou de xestión forestal, requirirá da súa modificación, de acordo co establecido no artigo 82 desta lei.

8. Os instrumentos de ordenación ou de xestión forestal preverán a recuperación ou a rexeneración da cuberta vexetal dos camiños forestais, devasas, faixas, parques de madeira ou calquera outra infraestrutura abandonada no medio forestal, co fin de evitar a súa progresiva degradación e facilitar a súa integración no ecosistema forestal.”

Ademais deberá manterse a operatividade dos puntos de carga de auga para extinción de incendios forestais tanto para medios terrestres como para medios aéreos sen que en ningún caso se dificulte o acceso.

En Ourense na data da sinatura,

O xefe do servizo de montes
Antonio Gómez Pacios

(Asinado dixitalmente)

